

民國華縣志

鞏縣志卷十七

邑人 劉蓮青 纂輯

張仲友

邑人 劉鎮華 鑒定

邑人 劉鎮海 參閱

固始萬自逸 讐校

金石志二

佛說加句靈驗尊勝陀羅尼經幢

正書今在康店洛岸

石高三尺八寸八幅幅廣四寸額橫篆二字

西京 永安 縣橋 西村

張君 建置 尊勝 經幢

經文不錄

功德主張再遇奉為 亡考於塋所建 尊勝陀羅尼經幢一座伏願承斯妙善速證真常抱識含情同霑利樂見聞隨喜勝妙良因迴向无上佛果菩提真如實際法界九有四生同成般若之舟共到无為之岸所冀家門安靜館舍休寧壽比南山之无疆福等東海之浩渺者也 母親牛氏在堂子男二人長男張再遇 次男張熙 女子五人長女三姑亡故嫁苻仲立次二四姑嫁河陽西王宗正次三五姑嫁孝義王昇次四七姑嫁時殿直姪時宗元次五八姑嫁王凝 新婦二人 一人于氏

孫男孫女共一十一人張再遇男三人長男仲全 次

男仲莒 次男婆惜 女子五人大姐嫁訾寧 二姐嫁

司馬元亨三姐嫁蘭宗政四姐嫁楊天休 次 在

室 重孫男孫女二人 仲莒男孟六

女 六娘 次 張

男一人不如哥 孫另張仲莒新婦趙氏

亡考於喜祐五年七月十九日卒

時享年卜 時

大宋元豐二年正月朔辛未三日癸酉 立

再遇年五十二歲建立

程化誠并刻字

字人油店王奉天并篆

右祝釐文敘述眷屬詳備長女嫁苻仲立從艸從付之

姓自苻洪始其家中蒲生長五丈五節如竹形時咸謂

之蒲家因以為氏後以識文有艸付應王又其孫堅背

有艸付字遂改姓苻氏書幢者為油店王奉天油店為

今縣西村名距康店甚近當係古地至今未改

宋宗室士濡墓記

元豐四年九月王安禮撰吳鼎臣書今存縣西南四十里清易鎮南溝東溝义

門後南壁上正書

石高二尺九寸寬一尺九寸厚三寸八分  
圓首記文九行行十九字撰書銜名不等

宋宗室贈徐州觀察使彭城侯仲瑱第五男墓記

翰林學士承議郎權判尙書

集賢院提舉司天

監公事上騎都尉臨川縣開國男食邑三百戶賜紫

金魚袋臣王安禮撰

翰林書藝御書院祗候臣吳鼎臣書

宗室士濡

曾祖濮安懿王祖宗輔潞州觀察使父仲瑱徐州觀察使

彭城侯

縣君宋氏生五歲賜名除右班殿直元豐

三年以遷祔

國王夫人恩改左班殿直遂卒始九歲元

豐四年九月丁酉葬于河南府永安縣之西原謹記

中書省王册官臣郭中立鐫

鞏縣志卷十七

金石一

三

經川圖書館刊

曾祖濮安懿王平抬不名國王字上空一格是為建立園

廟後之制

宋故鄧國長公主追封記

元豐九年二月范祖禹撰王宗僅正書并篆額石在縣西南和

義溝北嶺

石高連額六尺九寸廣上二尺九寸下三尺一寸厚九寸五分篆額三行行三字記十四行行字不等

故鄧國

長公主

追封記

故鄧國長公主追封記

翰林學士左朝奉大夫知 誥兼侍讀國史院

兼修國史上輕車都尉高平縣開國公食

邑六百戶賜紫金魚袋臣范祖禹奉 聖旨撰

神宗皇帝元豐五年正月乙酉

皇太妃朱氏生第八公主于宮寢八年

今上卽位爲同母妹封忻國長公主主生而溫懿旣能言  
卽穎悟性樂閒靜如老成人天資孝愛

神宗崩乳保初不使主知主覺而因問乃以實告哀不自  
勝至忘寢食因感疾十月辛未薨時

皇太妃護

神宗靈駕而行聞訃哀其聰哲而降年不永追封鄧國九

年二月己酉從

宣仁聖烈太皇太后之喪祔于

永厚陵昔唐太宗晉陽公主五歲克孝慧而蚤夭太宗哀  
之今鄧國四歲孺慕繼以薨隕加於晉陽一等矣臣承  
詔序次奉來刻石以表于墓謹記

入內內侍省內東頭供奉官勾當修內司 保

衡奉 聖旨管勾修墳

翰林藝學兼 皇 裕國公開掌章奏祇候

臣王宗僅奉聖旨書并篆額

翰林書藝局字祇應臣曹惠良奉

聖旨刻

按記長公主神宗第八女哲宗同母妹初封忻國追封鄧國宋史公主傳神宗十女無封忻國鄧國者始疑早薨史因畧而不及然楚國等六公主皆云早薨而無鄧國哲宗母欽成后也后傳生帝及蔡王徐國公主亦不及鄧國是史之疏也記云九年二月己酉從宣仁聖烈太皇太后之喪祔葬于永厚陵宣仁元祐八年崩明年葬是年四月始改元紹聖長公主從葬在二月故猶稱九年然承土文元豐五年而下則爲元豐九年矣落去元祐二字是亦當制之疏也

宋羅漢院住持守暹塔銘

正書元祐元年三月石今在縣南六十里羅漢寺後光裕殿門

東壁上

石高二尺零五分寬一尺二寸六分文十五行行十九字

青龍山淨惠羅漢院先師塔銘 弟五代

先師諱守暹俗姓蔡住當縣鄧封村人以農爲業於

景祐五年四月內投得本院札惠廉爲

師至慶曆五年四月內得剃嘉祐五年八月內

賜紫嘉祐六年十月內住持得一十九年受歲五

十八年度弟子一十八人至元豐二年十二月初

三日卒元豐三年正月初五日

葬 伏惟

靈空門是業方便爲因築

墳於大力山前建

塔在徘徊泉下其塔於元祐元年歲次丙寅三月

戊午朔二十八日乙酉日立石

土足弟子院主紹慈等一十八人

建塔弟子紹琪

刊字人程化誠

右銘內守暹當縣鄧封村人攷鄧封村卽宋太祖陵所  
在地今介芝田郛寧窳間距羅漢院近東十里又云築

墳於大力山建塔在徘徊泉石窟寺唐碑以淨土寺所  
在爲大力山乃復稱名於此殊不可解至徘徊泉應卽  
羅漢泉同時有兩名也

宋經幢石

右石高三尺八面面廣四寸今在縣治西南六十五里  
斜里莊西門內廟中清乾隆閒磨刻他文惟向牆面存  
元祐元年三月十五日九字

宋寧神禪院結界錄

正書元祐四年三月十五日僧清表  
撰今在縣西南寧神寺大殿前簷下

左壁  
上

石高二尺七寸廣  
一尺六寸五分

寧神禪院結界錄

禹門賜紫沙門清表撰

秉法沙門初筠清表撰

粵以國家追奉創佛刹以薦嚴釋子修崇故法門之先務  
且至人垂教莫不隨機稟持而利益無窮違背則漂沈叵  
測况乃伽藍淨地律藏弘陳儻明要旨功不唐捐矣有  
三陵永昌院主師叔妙濟大師沙門惠圓蒙 聖朝之  
寵錫思報効以何階茲者慶華 以落成荷睿恩而虔啟  
稟依佛制粗結界隅庶安衆而無替進修薦神宗而長享  
梵福迺收元祐四年二月十七日夜恭請到宗主律師智  
演等四員及在院十方清衆於慈應殿先示開遮之相次

明羯磨之儀唱彼宗綱陳茲利害故律云隨諸國境造立  
伽藍欲爲集僧安居施爲佛事存放生熟穀麥蔬茹菓實  
動用等須分淨穢之所內外大小之界故應依法以明之  
若得秉持成就守護無虧其所結界之地雖遇劫壞而常  
存是以依教作法畢洎現前大衆各各懺悔佛事已至十  
八日修設闔郭僧衆大會齋一中慶其妙利已獲周圓其  
勝會所須之費皆自師叔妙濟大師惠圓出於誠意罄橐  
營之實允夙心畧伸報願也今具請律師唱結到界地列  
之于後

院界

乘法沙門 初筠唱相 乘法宗主沙門

智演疊羯唐 卽外院牆一遭四角標隨土楞至

三門限都屬大界

淨地

乘法沙門 法瑀 唱相 乘法沙門 善

懿 疊羯磨

卽東廚九間物料庫三間醋庫三間米麩庫二間麥庫  
四間劑牆壁內都屬淨地

前項所結地界事須曉白舊住僧衆十方往來高德幸冀  
遵知同續像運薦 僊與之陞濟佑 丕祚以無疆云

鞏縣志卷十七

金石一

八

經川圖書館刊

耳

元祐四年三月十五日寧神禪院主寶月大師賜紫沙門

智慈立石

三陵永昌院主妙濟大師賜紫沙門惠圓同立

僧智潺書

文有三陵永昌院蓋謂安陵永昌陵永熙陵也

宋昭孝禪院主辯證大師塔銘

正書元祐八年六月王詵撰書顧臨篆額今在縣西

二十三里康店洛岸

石高 尺 寸 分  
廣 尺 寸 分

大宋故昭孝禪院主辯證大師塔銘 并序

持節文州諸軍事文州判史充柰州團練使駙馬都

上柱國王詵撰并書

翰林學士左朝奉大夫知制誥兼侍讀護軍賜紫金

魚袋顧臨篆

頁

神宗皇帝以孝治天下凡世之所以奉先追遠之事靡不  
舉焉熙寧初 詔卽 永昭 厚陵建浮圖氏居以修  
梵福五年功畢敕額曰昭孝禪院 御書其榜乃推擇名  
德 將使主其事凡得二十人又選於其中得啟聖禪院  
僧重表於是 宣補住持特度其弟子十人以寵榮之師  
侈 上之賜心有以 天子追奉之誠莅事之日謀善

於始約以持已寬以御物殿旣飾以致焚修之勤堂旣崇  
以葺講誦之席有容焉則以安清衆有廚焉則以薦香積  
不敢爲妄悅雖無刑而嚴不敢爲妄怒雖無賞而和是以  
聚徒百衆直侍<sub>受</sub> 過之而大小皆得其情且樂爲之  
用故師處之裕如而金穀滋衍垣墉者皆墜茨矣樸斲者  
皆丹雘矣師猶不自暇豫日底 祐初 太皇  
太后聞其行 詔坤成節別賜度牒三道紫衣二道爲莊  
嚴聖像之用繇是人益歸嚮善緣日廣師未嘗畜衣盂至  
于服用取纔足而已住持凡二十年人無閒言度其弟子  
至一百六十餘人以元祐六年十一月二十日 疾名門

弟子語之曰有爲之法豈異電光雲影哉吾嘗修淨土觀緣殆至矣語畢右脇而蓋西嚮也聞者皆驚歎焉俗壽七十二僧臘十一管 嵩山崇福宮朝請郎 君景施 一方爲塔域直昭孝之西三里曰孝義橋西地之原明年正月二日弟子具禮儀而葬之既葬八月其法屬弟啟聖禪院供養 通大師守僧弟子明教大師昭智等來請余誌其塔按師姓張氏洺州曲周人也自童 時已異諸 長 事生產業一日告其母曰聞佛氏有出家法顧歸心焉景祐四年來京師往謁啟聖禪院主明智大師惠言 志明智壯 之師喜且歎曰既已棄吾

親而來可不淬勵以成吾身哉執役之聞未始輟焚誦也康定二年以誦經及格披剃明年受 自是篤志律儀尤樂濟衆之行主院者稍委以事師謹力以辯之後益掌金帛衆服其清尤喜賓客頗爲士大夫所知嘉 中宋莒公奏授命服本院又奏賜師號故及是神 詔主昭孝院事人多識其能以爲必善其任也師之始終可紀如此故余喜爲 其事而著之銘曰

於妙 神考致孝 先乃卽陵寢作 祇

佛塔廟既成有嚴榜曰昭孝 帝意攸虔孰 其

事聽僉言得辯證師往始法緣師既 止廣佛所

傳食藥 行貫花肆筵焚修之功 二后在天作  
者既艱居者孔安既基而堂則師之賢來嗣觀德  
考銘新阡

表白廣照大師 昭惠 知庫賜紫 昭用 典座

寶慈大師昭隆維舟 圓照大師照寧供養主慧覺大

師昭遇 勅補住持院主明教大師昭智立石

玉册官趙隱刊

元祐八年六月望日建

辯證主昭孝禪院熙寧初詔卽永昭永厚陵建浮圖氏  
居以修梵福五年功畢改額曰昭孝禪院御書其榜宋

時團陵之制如是王詵撰書而列銜云持節文州諸軍  
事文州刺史充本州團練使詵見魏國大長公主傳不  
書曾爲是官亦從畧也詵與東坡遊故碑銘敘雅飭書  
尤似東坡顧臨篆額列題其歷官與宋史本傳合院至  
政和閒改爲壽聖寺後遭兵燹明初遷山麓辯證墓今  
在碑後其陰列諸弟子名皆未刊缺碑埋土中已久乾  
隆五十三年邑紳康新民掘出立高地又陁羅尼經幢  
一亦附立碑左

宋宗室尹國公令穀墓誌

正書今在縣西南四十里清易鎮南溝井上

石高二尺三寸廣同厚七寸五分共十七行題一行二  
十三字撰款一行三十六字書篆款一行二十七字誌

十一行行二十四字銘二行  
行十二字刻款一行十字

宋宗室貴州防禦使贈感德軍節度使追封尹國公墓誌

銘

翰林學士左朝奉大夫知制誥兼侍讀護軍文安縣

開國子食邑六百戶賜紫金魚袋臣顧臨撰

翰林藝學兼書題諸宮院小學皇親字頭臣吳舜

臣奉聖旨書并篆蓋

公名令穀字寶之贈感德軍節度使冀王惟吉之曾孫贈  
鎮江軍節度使丹陽郡王守節之孫贈昭信軍節度使南  
康郡王世永之子母南康郡夫人王氏慶歷四年始賜名

鞏縣志卷十七

金石一

十二

經川圖書館刊

授右內率府副率累遷至貴州防禦使元祐四年二月壬  
寅以疾薨于寢享年五十權厝壽聖佛舍贈感德軍節度  
使追封尹國公惟公忠孝誠篤方仁皇寢疾夙夜  
皇皇致禱憂不足以自存逮班朝復常則慶抃之氣盎於  
容色上筆宗英令穀四字賜之平居所嗜惟書史  
不以紛華撓所守娶劉氏封普寧郡君子另四人子柳右  
內率府副率卒子照右監門率府率子壽右班殿直卒次  
尚幼女四人適西頭供奉官李仔一在室二早亡以九年  
二月己酉葬河南府永安縣銘曰

忠發乎誠誠闇而彰宗英之褒

華袞之 無歎乎銘 輝賁一臧

府監玉册官臣趙隱刻

令穀父贈南康郡王世永以上見燕懿王傳世永謚修  
孝見令穀妻劉誌與宗室世系表合表例令字輩兼書  
官爵今坊本表有并令穀名奪者當據此誌補正職官  
志宗學咸平初分南宮熙寧勅諸院建小學自八歲至  
十四歲首檢舉人學故舜臣以兼書諸宮院皇親字頭  
結銜顧臨史有傳

宋寧神院題名

紹聖二年六月今在縣西南四  
十五里八陵寧神寺西廂簷下

石高五尺五寸寬四尺厚四寸題字七行第一行第二  
行行十字第三行第四行行十一字第五行九字第六

鞏縣志卷十七

金石一

十三

經川圖書館刊

行十一字第七  
行六字俱行書

年六月廿一日

永裕陵會食寧神院紹聖二

監護懷昌二王西葬朝

朝請郎試戶部尚書蔡元長

昭宣使勾當御藥院馮靜之

昭宣使入內押班劉復古

宣慶使入內都知劉子禮

左讀題名四前三人皆宦者結銜皆入內內侍省官宋  
史職官志馮靜之名世寧史有傳元長蔡京字此最後

書結銜朝請郎試戶部尚書時紹聖二年京交歡中貴  
舞智固寵已若是惜温公不及見此也字大三寸餘蓋  
京自書懷昌二王者懷嗣濮王宗暉昌嗣濮王宗晟見  
宗室傳永裕神宗陵

宋宗室子文墓誌 在清易鎮嶺  
上出土今佚

石高廣尺寸撰書  
姓名職銜俱未詳

宋宗室左侍禁墓誌銘

公諱士瑒字子文曾祖允成贈鎮江軍節度使同 書令  
郇國公祖宗仁贈虔州觀察使追封南康侯父仲弓故任  
右武衛大將軍興州防禦使公即興州防禦第四子也母

嘉興縣君杜氏公以元豐二年始五歲遇 神宗皇帝同  
天節奏授右班殿直賜是八年遇 哲宗皇帝登極 覃  
恩轉授左班殿直元符二年序改右侍禁三年正月 今  
上皇帝登極覃恩轉左侍禁生而恭寬長厚重義疎財事  
親以孝事兄以悌內外親族交遊上下無不得其懽心幼  
就學日誦十餘言孜孜不怠及冠調潁州監在城酒稅廉  
白專勤行旅歸之課最登羨按部使者交章薦其能秩滿  
罷歸未幾防禦公得疾公扶持藥食夙夜未嘗假寐終不  
起公哭踊哀摧數日不食服喪未踰月遂卒享年二十有  
六當元符庚辰歲季夏六月十日也公首娶杜氏先公七

年而亡再娶吳氏亦先公一年而亡前後生子四人長曰  
不僭次二人幼未名次一人早亡女一人幼以其年八月  
八日祔葬于河南府永安縣銘曰

喪不傷生哀不滅性惟禮有制人慢不競嗚呼惟公而  
殞厥躬過猶不及非禮之中不羨其生亦孝之至處死  
者難其孰能繼

宋楊國公主墓誌銘

正書元符三年蔡京撰李安中書并  
篆蓋今在縣西南五十里八陵村

宋故楊

國公主

鞏縣志卷十七

金石一

十五

經川圖書館刊

墓誌銘

宋楊國公主墓誌銘

翰林學士承旨中大夫知制誥兼侍讀修國史上柱  
國南陽郡開封食邑二千三百戶食實封貳伯戶賜  
紫金魚袋臣蔡京撰

翰林書藝局藝學兼講筵應奉 御書臣李安

中書并篆蓋

楊國公主

哲宗皇帝第四女母曰

皇后劉氏紹聖四年九月十八日生於宮閣生踰年鑱學

士院宣制文德殿下封爲懿寧公主年三歲元符二年閏九月二十八日夜暴得驚疾趣國醫診視醫云主疾已革越翌日薨

哲宗震悼輟視朝三日贈魏國公主

皇后率從衛護主出內命宣慶使明州觀察使入內侍侍省押班馮世寧管句權厝於奉先資福禪院公主姿容性聰慧既睟見玩好之具皆默識之

今上卽位追封楊國公主以三年七月二十日起叢詔有司具一品鹵簿遣使以少牢香幣贈玉黠纁告祭是年八月八日葬於河南府永安縣

永泰之側銘曰

有美懿寧 惟帝季女 疾不及醫

胡奪之遽 庶庶陵原 萬世之固

翰林書藝局王冊官臣 惠迪刻

宋宗室士諱墓記

正書元符三年八月

石佚高廣尺寸未詳

宋宗室右班殿直墓記

君諱士諱字信之故平陽懿恭王允升之曾孫東陽安憲王宗悌之孫感德軍節度觀察留後仲顛之幼子也所生母楊氏君生而俊秀稍長知事父兄以孝順泊出就學寶

禮師友祇敬肅莊同小家夔人子屈首授經不煩教勒日記數百言執筆臨書一學即可觀閒賦詩數數有可喜語識者賞其不凡年五歲賜名授右班殿直十歲以孝經論語試誦學官十有五歲得疾七日卒實元符三年三月十二日也族黨莫不悲慟以是年八月八日祔葬于河南府永安縣謹記

翰林承旨知制誥侍讀修國忠柱國南陽郡開國信邑

蔡京撰

御書官李宰書

士諱見宋史宗室世系表漢王元佐房祖宗悌表傳均謚孝憲此作安憲疑誤父仲顓感德軍節度觀察留後

表榮國公蓋贈爵士諱官右班殿直本周制簡軍校暨武臣子弟材勇者爲內殿直分左右班宋因之見職官志記蔡京撰李安中書孫皞卿始見此石清易鎮外嶺溝中錄文未拓石佚撰書銜畫細淺故多闕安中銜有御書字按安中書普寧郡君誌與此同年月其結銜翰林書藝局藝學兼講筵應奉御書此當同職官志載御書祇候屬御院書藝局屬翰林院勾當官亦作翰林司所謂翰林者隸入內內侍省非學士屬官也

宋宗室尹國公妻劉氏墓誌

元符三年蔡京撰李安中正書并篆額今在縣西四十里

清易鎮南  
溝腦井上

石高二尺五寸  
廣同厚六寸

宋宗室感德軍節度使尹國公妻普寧郡君劉氏墓誌銘

中大夫知制誥兼侍讀修國史上柱國南陽郡開

國公食邑三百戶食實封貳佰戶賜紫金魚袋臣蔡

京撰

翰林書藝局藝學兼講筵應奉 御書臣

李安中書并篆蓋

感德軍節度使尹國公令毅夫人普寧郡君劉氏曾

祖謙保靜軍節 使 前郡指揮使贈中書令祖 選左

遷庫副使贈左遷牛衛上將軍 故東頭供奉官母

鞏縣志卷十七

金石一

十八

經川圖書館刊

長興縣 趙氏慶曆三年九月生於祖第幼岐 不

爲 戲至和二年歸尹國公入謝禁中恩賜以冠帔仍封

長樂縣君夫八以事父者事其舅南康脩孝王以事母者

事其姑南康郡太夫人孝 隆 宗黨稱焉治平四年

南康感疾夫人親調湯劑至刺血爲療明年脩孝不豫如

事南康及持喪哀毀瘵瘠元祐元年尹國公遷貴州防

使追封普寧郡君四年薨夫人以伉儷之義哀悲晝夜不

息旣葬杜門絕往來治家嚴肅以經術教其子孫紹聖三

年男子照以本經第 夫人喜曰不違爾父之志矣

吾無憾焉性温厚御羣妾加以慈 及娣姒衣服澣濯食

不重味尤無妬忌 行喜愠不形於顏色雖老

居 二年中外肅然可謂賢矣元符三年五月十三日疾終于正寢享年五十有九子男四人長子柳方賜名而亡次子昭右監門衛大將軍 十三日而卒二人幼亡女三人長適內殿崇班李仔次適內殿崇班楊公諒三人早夭孫男四人長伯端三班 未名孫女三人長適其餘並幼以其年八月八日祔葬于河南府

永安縣銘曰

宗之甥 篤敬 愛 岐嶷夙成

事其姑 喪致其哀 克已弗渝

鞏縣志卷十七

金石二

十九

經川圖書館刊

行弗 凡厥後人 斯言可言

玉册官臣 刻

宋史蔡京傳為翰林學士進承旨徽宗即位罷為端明龍圖兩學士知太原府徽宗元符三年正月即位誌刻八月京結銜猶帶承旨則其罷在八月後也左右千牛衛士將軍無定員命宗室為之亦為武臣贈典見職官志千牛名本唐舊此作遷牛誤

佛說多心經淨土咒陀羅尼大悲心啟請同幢 正書崇寧元年今在

縣西康店洛岸

幢高五尺一寸 八幅每幅五寸

佛說般若波羅密 心經

唐三藏法師 玄奘 譯

經文不錄

佛說往生淨土咒

咒文不錄

尊勝陀羅尼啟請 三藏法師 不空 譯

啟請文不錄

大悲心陀羅尼啟請 天竺僧 梵達磨

譯

啟請文不錄

缺三幅

昭孝禪院主首知事如左

表白 卽大師 昭恩 副典座僧 孝

一知庫賜紫比丘 昭淑 副知庫僧

孝靄典座 教大師 昭覺 副維那僧

昭承維那通慧大師 昭 資福殿主

僧 昭昱 供養主海慧大師 昭純 經

藏主賜紫 昭行 敕補院主普慧大師

昭用 奉先閣主圓通大師 昭温

明教大師學徒

孝淵賜紫 孝真 孝映 孝實 孝賢 孝哲

孝存賜紫 孝恭 孝靄 孝詢 孝澄 孝廉

孝儒 孝景 孝紀 孝綽 孝能 孝弼

孝宏 孝亻 孝均 孝翦 孝緬 孝嗣

孝絢 孝潛 孝 孝彥 孝二 孝勣

孝蒙 孝因 孝操 孝 孝凹 孝谷

孝達 孝恪 孝允 孝來 孝肫 孝炳

孝燮 孝蓋 孝瓊 孝諒 孝仙 孝贊

孝昇

崇寧元年歲次壬午三月清明日建 孫福裴靖方刊

右監門衛大將軍女墓記

石連圓首高二尺七寸四分寬一尺九寸五分厚三寸五分共十行題一行十三字撰款一行四十八字書款一行十二字記六行行十六字刻款一行十字俱正書

宋宗室右監門衛大將軍女墓記

翰林學士朝奉大夫知制誥兼侍讀充實錄脩撰兼脩國史輕車都尉武功縣開國子食邑六百戶  
賜紫金魚袋臣郭知章撰

翰林書藝局藝學臣劉舜明書

右監門衛大將軍令杳第二女贈宣州觀察使從謹之曾孫贈曹州觀察使世統之孫母曰清德縣君温氏於元豐

八年三月二十二日生於建中靖國元年六月七日感疾卒年十七歲以崇寧元年五月二十四日祔葬于河南府永安縣謹記

少府監玉冊官趙隱刻

右記石今在縣西四十里清易鎮東溝孫金河家民國十八年夏掘土得之記字徑寸前後款字五分俱完好

宋金星觀道院記

正書崇寧五年吉觀國撰今在芝田鎮趙銳家做刻在鎮關廟火神殿內東壁

石高三尺二寸二分廣一尺五寸五分十四行行三十字

西京永安縣金星觀道院記

嵩山金星觀自唐有之國朝天聖中 劉太后命加嚴飾

然地居深山巖壑峭峻人跡迴絕吏民崇奉之禮有不獲伸邑人劉少卿會父老而告之曰道以冲虛清靜爲本專教人以修養佛以慈悲哀憫爲心兼示人以禍福而蠢爾無知之民易以禍福警難以修養勸則佛宮盛而道院衰者固其理也邑東有民田數畝距城百步平原爽塏俯視郊畛南直崧少東走青龍有足樂者欲於此建金星觀道院一區爲吾民祈福之地若輩豈願之乎衆皆曰唯公乃出錢十萬以市其地命西微太微宮道士劉微淨主之邑人聞而化之爭出力以助其成觀於是乎興焉謂其殿曰長庚迹故事也謂其亭曰朝真本人心也有廬山道士劉

建章者來踵其任益勤繕完始以練真秘訣勸人之修行  
次以驅邪正法救人之疾苦官私上下咸用信嚮捐金施  
力唯恐其後於是序廡嗣興糒糧畢集居者有養行者有  
歸而諸陵瑤璫之貴萬家闐闐之繁其所以投誠請命醮  
祈祈求乎此者日相屬也一日自序本末因予妻党劉晞  
聖求文爲之記迺以是畀之崇寧五年正月初五日前慶  
州州學教授吉觀國記

宋宗室士宇妻蓬

孫君王氏墓誌

大觀元年三月鄭居中撰梁安世正書并

篆蓋今在縣西南清易鎮東溝姬家

石高二尺四寸廣同厚八寸三十行行二十五字撰書銜名不等蓋佚

鞏縣志卷十七

金石一

二十三

經川圖書館刊

宋宗 朝散大夫前簽書鎮寧節度判官廳公事土柱國  
士宇妻蓬萊縣君王氏墓誌銘 并序

翰林學士朝奉大夫知制誥兼侍講實錄脩撰雲騎

尉賜紫金魚袋臣鄭居中撰

翰林書藝局藝學臣梁 安世書并篆蓋

王氏之先太原祁人其子孫有自魏之元城徙于曹之

陰 今家焉夫人曾祖博文故樞密副使贈太師中書令

祖略故 常 士父岷故大理寺丞中令公以 政事

受知於真廟 仁祖朝及其子忠簡公疇

父子繼踐樞庭爲一時衣冠之盛大理府君 敏嗜

書有幹治才而蚤世不及顯用夫人自幼穎悟凡女工之事精巧遠出人上既孤無男兄弟佐其母理家事籍籍以令女稱既笄歸今朝散大夫前簽書鎮寧軍節度判官廳公事趙君士宇以夫封蓬萊縣君大夫公賢而文始以宗室子補右內府率非其好也乃益以經術自淬礪會神考銳意圖治柬拔人物不閒外內稍稍後公治民公于是奮然請劾召試論議中等擢郎其學費用不甚給夫人悉奩橐所有以資之其所贊隨宦四方中饋修閨闈肅然事孀姑盡婦道御婢媵寬而法下愛之不敢欺初大夫公官睢州丁其父觀察公

憂奔訃

問家室夫人乃省裝挈穉幼貸舟追行

前殯一夕亦族之大夫公江卞當路所窘移榷酒

吳興且欲傳致其罪深以爲憂夫人曰公之爲官也持身

廉奉法公治民恕俯仰無所愧達命耳非人所

第行已而事亦得解大夫公吳郡夫人以疾終於官

舍正寢蓋崇寧元年七月十九日也享年四十五男四

人郎新授徐州蕭縣主簿次庠次序次廣未仕女

長適承奉郎王梧次適將仕郎杜圯三未行以大觀元

年三月二十九日葬于河南府永安縣銘曰

王氏之先勳庸世傳生此柔懿惟婦之賢

擇配而行 歸于宗子 勸以詩書 文學亦伸

胡不偕老 中塗云亡 既祔新阡 悲風永長

少府監玉册官張 惟幾刻

王博文子疇鄭居中宋史有傳誌宗室例詳世系此誌敘士宇但云丁其父觀察公艱而稱士宇曰趙君若忘其以宗室標題者宗室子孫皆賜名太宗後士某之子皆曰不某此弗用而以一字爲名幾若除其屬籍蓋宋自徽宗立待宗室浸薄此誌撰書既不復奉敕鄭居中爲時寵臣率意自恣士宇亦自忘其非皆衰世之徵宗室世系表有清源侯士宇太宗子元佐四世孫其父開

國公仲 其子朝請大夫不同未審是否此士宇也

宋故鄧國公主追封記

大觀元年三月鄧洵仁撰 子佺正書并篆額今在縣西南四十五

里八陵東 偏掘出

碑連圖額高七尺三寸五分廣三尺五寸厚九寸三分文十八行行三十字額三行行三字前後款不等

故贈鄧

國公主

追封記

故鄧國公主追封記

翰林學士朝奉大夫知制誥兼侍講實錄修撰驍騎

尉南陽縣開國男食邑三百戶賜紫魚袋臣鄧洵仁

奉 聖旨撰

翰林書藝局藝學臣 子佺奉 聖旨書并篆額

崇寧四年閏二月二十八日修容王氏生

皇第七公主於宮禁主生而爽慧骨相奇季居始睟

册拜惠慶公主以是歲十月二十有一日薨

上傷悼輟朝贈鄧國公主權厝於奉先資福之精舍越大

觀元年三月乙卯葬于河南府永安縣

永裕陵之西北嗟夫人生於天地之間形氣轉續其真有

司之者乎何變化沕穆莫可推而知也若

鄧國託質

鞏縣志卷十七

金石一

二十六

經川圖書館刊

天支挺生

帝室而壽祉不淑一至於此豈非命歟葬當刻石表墓爰

詔 臣序次本末書之臣謹記

入內內侍省內殿承制管句修墳梁元弼

管句官內客省使定武軍節度觀察留後知入內內

內侍事 河蘭湟秦鳳路經略安撫制置使臣童貫

監護官翰林學士朝請大夫知制誥兼侍講實錄修

撰臣鄭安中

翰林書藝局玉册官臣曹惠良奉 聖旨刻

宋宗室左侍禁子華墓誌

大觀二年十二月葉夢得撰張舜卿正書并篆蓋今存在縣西

南四十里清易鎮  
南溝任家院蓋佚

石高二尺三寸五分寬二尺五寸五分厚四寸  
五分十七行行十六字撰書銜名不等

宋宗室左侍禁墓誌 并序

翰林學士承議郎知制誥充學制局同編修官兼

實錄修撰賜紫金魚袋臣葉夢得撰

翰林書藝局藝學臣 張 舜卿 書并篆 蓋

君諱子華字秀實定州觀察使博陵侯從質之曾孫虔州  
觀察南康侯世哲之孫保康軍節度使高密郡公令儂之  
子母平原縣君待其氏初補三班奉職累遷左侍禁歷官  
監濟州金鄉縣稅玉津園徐州藤縣陳州商水縣酒稅凡

四任以崇寧四年三月九日卒年三十四性倜儻不以細  
故累其中居官多以幹敏爲在職者所知樂取諸人以爲  
善故喜從賓客游無倦色妻高氏子二人女一人存者獨  
一子曰伯遵大觀二年十二月二十七日葬河南府永安  
縣銘曰

歲在子兮月建丑葺斯原兮固不朽是身忽兮寧汝有  
物皆然兮孰長久

少府監玉冊官臣蹇思刊

子華見宋史宗室世系表其曾祖從質又見燕懿王傳  
懿王不得其死子孫特繁多以學行顯宋自太宗後

束藩嚴子華乃喜從賓客游樂取人以爲善亦宗子之難能者誌載子華卒崇寧四年年三十二是其生歷哲徽間國事日非黨禍方亟子華雖幹敏官止稅吏酒監曾不得表親親乞自試顧坐視傾危而莫之救其僮僕抑塞之才泯默無所施或思託空文自見田荔軒因據四庫提要諸書謂子華子卽子華與客託寄諷諭也詳藝文篇時宗人請名輒得醜僻字子華之子伯遵孫師文師交皆錫嘉名寓繼述蓋亦好客所致惜石林此誌拘於應制未詳所好爲何等客耳玉津園見太祖紀蘭爲園俗體園有監亦足補汴京遺蹟志之闕子華母待其氏通志姓氏略侍其氏本酈食其孫爲侍中改侍其宋有侍穎侍其端並開封人無作待其者古石刻偏旁多變異如隋李則誌傳作傳此奉敕書不知舜卿何以有此異體世系表又有子華亦官左侍禁爲楚國公守巽曾孫同屬燕王房名不應重蓋守巽系傳寫誤也當以誌爲正

宋宗室內殿承制子儀墓誌銘

大觀二年葉夢得撰張舜卿正書今在縣南五十里

西侯周家園

石高二尺二寸五分文十七行行二十字撰書銜名不等篆蓋三行行三字蓋石今在縣西南四十里清易鎮

玉皇溝李家門

宋宗室

內殿承

制墓銘

宋宗室內殿承制墓誌銘

并序

翰林學士承議郎知制誥充學制局同編修官兼實

錄修撰賜紫金魚袋臣 葉 夢得 撰

翰林書藝局藝學臣 張 舜卿書并篆

君諱子儀字仲威曾祖從古贈保靜軍節度使同中書門  
下平章事追封遂寧郡王祖世邁贈左領軍衛大將軍父  
令諼贈武安軍節度觀察留後信都郡侯信都元娶壽光

縣安氏而生君壽光君卒繼母曰安福縣君俞氏君熙寧  
四年以恩補三班奉職凡八遷為內殿承制歷監開封府  
東明縣倉草場修倉司西京界巡馬遞鋪皆以廉勤為在  
職者所知大觀二年七月四日以疾終於京師享年四十  
一君性和厚喜怒未嘗加人輕財喜賓客死之日雖囊無  
餘貲而吊者多賢士大夫也妻張氏一子彥卿未仕是歲  
十二月二十七日葬河南府永安縣銘曰

廉以持已

勤以蒞事

胡年之短

弗終其志

少府監玉冊官臣蹇思刊

宋尊勝經幢序

政和三年今在縣西二十里康店壽聖寺仆

石高五尺一寸八面面廣四寸五分字六行正書

經序不錄

宋故西京永安縣永昭永厚陵昭孝禪院第五代奉

勅住持普慧大師

河南常

撰

大師諱昭用姓張氏其先青州千乘人資性純厚未嘗妄笑語自幼不天事母以孝稱既長喜內典學乃辭其家人杖遊入河南 祖宗薦福地服勞爲經幢子熙寧六年以 同天節恩例始除氏削髮依 辯證大師遂得世嗣法統又十年進加命服於是懇其師曰學人父母云亡

今旅櫬有年矣願亟歸以掩其親師惻然且多之因許其歸既事卽雲衲草履遍禮四方靈跡踰年始還及

興龍節再以

恩得賜另普慧又元符三年以

勅補主其衆師既住持卽自奉甚約接人蓋厚故他方

高道禪德歧風來依者常數十百人其撫之一如也後年辟地起層舍貯盧舍那佛金碧繪飾不再月告成得

上所賜名曰奉先昭孝之閣茲功德是爲希有今前翰林學士范公雅與師善嘗以院之廊蕪穢汙弊特請于

朝尋可其奏俱命輪奐然後那刹屹屹始與 陵

園稱矣二緣事實以師致然也政和二年五月一日師圓

寂入滅得壽六十九僧臘四十年度法裔永先等百十有  
三人既滅悉閱鉢中匱無一物自削髮來戒行不渝恬淡  
朴素真出家道人也以其年其月二十八日歛骨歸葬于  
永安縣鳳臺鄉橋西里從法兆之次今嗣其後者猶以行  
業紹家風焉弟子永堯狀其事屬余誌之以垂不朽嗚呼  
如師者且喜爲書也於是乎書

普慧大師徒弟如後 永先 永光 永朝 永明  
永訢 永謙 永見 永玠 永齊 永節 永洙  
永思 永袞 永潺 永仁 永濟 永遵 永石  
永延 永遜 永傑 永常 永從 永遂 永連

鞏縣志卷十七

金石二

三十一

經川圖書館刊

永滿	永歡	永習	永脩	永漸	永昂	永琳
永加	永岳	永迢	永琛	永顏	永堯	永幾
永賓	永洵	永章	永善	永孚	永華	永遷
永震	永權	永衝	永柔	永清	永福	永登
永丕	永饒	永寬	永慶	永莊	永津	永嘉
永敏	永璞	永亨	永輔	永倫	永奉	永瞻
永高	永鑒	永扶	永贊	永宛	永元	永曜
永勛	永槩	永爽	永正	永睦	永確	永定
永孝	永辯	永密	永悟	永慈	永瑒	永琚
永素	永周	永优	永	永言	永香	

永謀 永依 永宣 永雲 永慎 永資 永杲

永興 永亮 永完 永亢 永太 永訓 永璿

永玘 永生 永

壽聖禪院主首知事如左 副表白 副庫頭

副典座永章副維那永洙 經藏主賜紫昭俊 資

福殿 白 奉先閣主賜紫昭閑 表白賜

紫孝弼 知庫賜紫昭承 典座賜紫永堯 維

郝賜紫孝綽 供養主賜紫通慧大師昭竦 勅補

院主海慧大師昭純 立石

政和三年歲次己巳三月清明日建

按序幢為昭孝禪院住持普慧大師諱昭用 姓張氏立師元符

三年勅補住持嘗起層舍貯盧舍那佛上賜名曰奉先

昭孝之閣末云弟子永堯屬余誌之撰人姓名今佚

葬永安縣鳳臺鄉橋西里

永安金貞元時易名芝田南宋改正嘗稱為奉先縣此

閣錫名已預為之兆

宋宗室子襲長女墓記正書政和三年撰書姓名缺今在縣西南六十里四座廟西偏

石高二尺七寸廣一尺七寸五分厚六寸六分九行行十八字撰書銜名不等

宋宗室 長女

翰林學士朝 大夫知制誥

充

局 號 縣開國子食邑六百戶賜紫金魚

袋臣 撰

藝學 昇書

成忠 子襲之長女贈鄧州觀察使南陽侯令想之孫贈  
鎮海軍節度觀察留後北海郡公世符之曾孫政和三年  
十一月七日生十二月十一日卒 以三年五月二  
十七日祔葬于河南府永 軍謹

少府監玉册官臣

宋寧神禪院智涵塔碑

行書宣和三年許光弼撰僧慈永  
正書今在縣西南八陵寧神寺中

石高五尺五寸廣二尺四寸厚六寸七分題  
額三行行三字文二十四行行四十七字

鞏縣志卷十七

金石一

三十三

經川圖書館刊

勅住寧

神法照

大師碑

大宋勅補寧神禪院第三代管勾賜系法照大師涵公舍  
利塔碑

朝奉郎前管勾西外宗室財用河南許光弼撰

泚水講經論釋賜紫淨慧大師慈永書

釋氏之教興於漢盛於唐 本朝建寺追奉

陵寢以昭 聖孝講誦有常負薦無已益兩漢以孝

紀號 本朝以孝為德邈乎遼哉奚翅可以相方也天

下佛祠衆矣而獨奉 陵寢者恩禮加厚推釋付畀  
難其人故其總衆行道類能善其生精進戒定有能善其  
死一何崇信利益之足以相資也竇應正覺通公惠然見  
隙謂光弼曰寧神禪院法照大師滅度弟子廣昶等狀師  
行事哀請至于再三正覺通公戒行 高人之所畏仰光  
弼既不敢辭而又廣昶等倦倦孝誠有足嘉者乃爲論次  
而銘之

師諱智涵字仲見俗姓勵氏其先洪人也後徙居河南今  
爲永安人師爲兒時常聚瓦礫築塔爲戲喜誦佛言父母  
歎曰此兒非吾家所能畜也稍長辭親禮永昌院淨慧大

師爲師元豐元年 同天節奏名披剃明年具麼訶衍戒  
又五年賜紫衣方袍元祐八年用羨之武氏誕日恩賜號  
法照大師初 朝廷修奉 裕陵建寧神院以薦

在天之福選永昌僧四十員爲焚誦衆又於其中舉  
用六人總領院事師當典座奉教勤謹大衆推服崇寧元  
年寧禪院事院每歲衍度僧 賜紫衣一會兼追奉 泰  
陵師請加恩例有司上其事於是歲增度僧二賜紫衣一  
廣資給常住 數四年又增度僧二賜田一千畝政和中  
師再有請遂就 輦下賜房廊泉三千百金自是供  
佛飯僧之具益厚所以爲福益嚴師曰院事詣 問

偶左右街衆入內道場

特旨命師同赴旋被

委供進花木

昭懷皇后歲給度除千道白金二百

兩禪師持誦追薦

泰陵皆異眷也政和三年師嘗

力請退居尋復被旨住持向北名德顯著奉事恪勤何以  
臻此師賦性厚重多行方便與衆歡喜一時貴人往來奏  
告師將迎盡禮無不得其意者一并坐丈室謂門弟子曰  
我聞雲生霧散不離太虛月謝潭空何勞捕影有者必盡  
行者必歸乃罄衣盂爲六師懺悔會命大衆多誦慈氏如  
來西嚮依歸飲冰不食曲肱而化時宣和三年閏五月二  
十一日也春秋六十有七僧臘四十有三度小師二百五  
十人廣昶等以其年七月十一日葬師于河南府永安軍  
芝田鄉蘇村祖塔之次銘曰

巍巍裕陵慶流万世爰建道場薦社金池命師

法照典領奉事俄兼泰陵吉祥協至越數十年大衆歡喜  
受諸供養還以普濟能圓能方無怖無畏若小若大若賤  
若貴 應酬得宜各盡其意推生知死別履委蛻  
作大功德證此了義三百其徒 封舍利

小師表白慧覺大師廣顏知庫崇辯大師

廣昶法姪典座慧海大師廣瓊權院事實覺大師廣永等

立石

河南 霍琳刊

故金照大師徒弟名記

道曰天地四姓出家號同釋子故削姓而歸二

氏標名而興俗流 永裕 永泰陵寧神禪院故

管勾法照大師洎 十餘年度門弟子凡二百五

十人或以敷揚三藏作衆軌

命或維持掌握 法門或雅號表奇華袍旌微微然萃

構檀於一林璨璨然會玳奇於大海

刻碑陰

廣龜 廣 廣安 廣顏 廣照賜紫 廣威賜紫

鞏縣志卷十七

金石一

三十六

經川圖書館刊

廣滿 廣韶 廣筠賜紫 廣熙 廣誘 廣賜紫 廣容賜紫

廣益 廣誨 廣登賜紫 廣勛 廣敷賜紫 廣超 廣權

廣睦 廣素 廣殊 廣 廣演 廣慧照大師 廣越普明大師

廣澤賜紫 廣澄 廣濬 廣潛賜紫 廣温 廣諳 廣鼎

廣 廣淳 廣周 廣寶 廣啟賜紫 廣欽賜紫 廣端

廣忠 廣琛 廣璨賜紫 廣謹 廣資賜紫 廣珠 廣輝

廣真普 廣深 廣謚 廣源賜紫 廣知賜紫 廣運 廣仙賜紫

廣遵 廣方 廣昌 廣親 廣澶 廣祥 廣康

廣涓 廣慥 廣恭 廣愨賜紫 廣愿賜紫 廣仲 廣爽

廣幽 廣長 廣華賜紫 廣嘉 廣和 廣審 廣禮

廣賜紫 廣絢 廣密 廣全賜紫 廣暎 廣湛 廣功

廣覺 廣逸 廣傳 廣茂 廣賜紫 廣生 廣紹

廣賑 廣學 廣洵賜紫 廣泰 廣生 廣稷

廣潤 廣敬 廣隆 廣謙 廣覽賜紫

廣文 廣喜 廣觀 廣昇 廣賜紫

廣 廣初 廣開 廣曜賜紫 廣興 廣者

廣果 廣洛 廣興 廣 廣 廣

廣 廣賜紫 廣嗣 廣蹟 廣璿 廣緒

廣愈 廣昞 廣行 廣 廣孫 廣

廣堅 廣軒 廣寶 廣參賜紫 廣警 廣貢 廣用

鞏縣志卷十七

金石一

三十七

經川圖書館刊

廣衛 廣 廣 廣勤 廣堯 廣鞏 廣旻

廣航 廣述 廣恕 廣常 廣喬 廣順 廣琰

廣 廣確 廣 廣通 廣布 廣 廣渙

廣逢 廣直 廣川 廣邕 廣懷 廣灤 廣孝

廣哲 廣 廣 廣 廣 廣輅 廣習

廣 廣紀 廣瑞 廣 廣 廣縵 廣博

廣 廣 廣 廣 廣 廣藹 廣賁 廣

廣襄 廣 廣 廣 廣 廣約 廣崇 廣祕

廣 廣 廣 廣 廣 廣 廣 廣

廣孚 廣臻 廣經 廣存 廣克 廣祈 廣朋

廣舒 廣坊 廣定 廣爽 廣恪

廣南 廣廣 廣游 廣協 廣億 廣山

廣紱 廣廣

廣等一十人立在廣權一班之上

宣和三年七月之水 經論賜紫淨慧大師慈永序并書

碑稱修奉裕陵建寧神禪院選永昌僧領院事按永昌

太祖陵結界錄有三陵永昌院又稱崇寧元年兼追封

泰陵政和中被委供進花木昭懷皇后歲給度 干道

葬永安軍芝田鄉蘇村

宋尊勝經幢殘石

正書建炎元年今在康店洛岸

高廣尺寸未詳

經文不錄

慧和尚製造大佛頂尊勝陀羅尼 幢一座所集良

用薦覺經靈超登 法喜 法捨 法

法彥 法法 法坦 法開 法列 法裕 法

法法 法法 法建 法則 法効

法全 法法 法印 法法 法靖

法法 法法 法空 法法 法普

法容 法法 法昶 法法 法歡

法興 法法 法潤 法奇 法法



閤門祇候仍差河南府西六縣都巡檢建炎三年三月本  
路安撫使司改差知汝州寶豐縣四年正月累獲大功京  
城留守使司便宜遷武功大夫榮州刺使仍差權知河陽  
南城兼管內安撫使四月差充京城留守司同簽書判官  
廳公事兼主管侍衛步軍司仍遷右武大夫榮州團練使  
許從便宜五月遷翊衛大夫六月遷中亮大夫改忠州防  
禦使權知河南府兼西京留守管內安撫馬步軍總管司  
公事兼管內勸農使歸附 聖朝 朝廷優加顯秩  
遷中侍大夫依舊忠州防禦使餘並如故公廼謂人曰大  
丈夫事主當一心建功立名期不朽豈可乍服乍叛以速

夷滅哉方思建立以固恩寵適京西北路安撫總管翟興  
阻兵負險隔絕道路跳樑不軌殘忍尤甚 公廼厲志竭  
忠乘機奮發勸督將士協力赴功竟致渠魁破蕩巢穴厥  
績顯著 天子嘉之乃遷徐州觀察使自是西至關中  
南至漢上凡兵火隔絕曠日人迹不通之地一旦水陸舟  
車田野耒耜賈游於市商通於路 朝廷得以車書隴  
右開拓巴蜀皆 公之力也十月 皇帝遣使賜金帶  
以光寵之三年六月 宣詔赴闕上殿 皇帝問以  
邊事辯對稱旨無所凝滯 天子愛之賜廣撫封俾臨  
一路仍正使號增重帥權特受依前中侍大夫徐州觀察

使知河南軍府事兼西京留守河南府路安撫使馬步軍  
總管兼管內勸農使明年正月西賊叛逆順商虢三州相  
繼變亂虜掠百姓攻圍城邑大兵未集遽入西洛 公不  
幸被執賊留之軍中意欲活而用之公乃毅然不屈請卽  
死之遂力被害享年四十六先是厥 父恩被傷致殞男  
安世同日被禍三世忠孝萃於一門舍生取義不失全節  
方之古人殆無媿也 朝廷哀憫其忠義贈通侍大夫賜  
錢千緡及賻贈羊酒米麥等差諸縣夫役百人以助葬事  
許其弟武經夫夫閤門祇候河南府路副總管邦傑不妨  
本職以領葬事七月二十日癸酉葬于永安軍芝田鄉蘇

村之原公娶劉氏封恭人男一人安世贈朝奉郎女二人  
並未嫁俟嫁日各賜夫承節郎 公天性純厚明敏辯博  
事父母尤孝能以智帥人與士卒同勞苦資糧與均故人  
樂任使多立奇功其在西洛不唯威聲四馳見於將略至  
於撫衆治民政平訟理皆出愁歎有古良吏風古之爲將  
者或以智略或以壯勇或以死節苟得其一不害爲名將  
後世將弱兵驕其能智略壯勇與夫死事奇節顯顯名世  
者幾希故其伺敵之來往往內懷怯心外霽威色畏避矢  
石不敢前臨時去就心挾二三幸勝則要功力屈則降敵  
若人者安能死節王事願死馬革中以報 國家哉

公獨能兼是數者卒死忠義並驅古人非天賦英烈未易如是也僕不識公之面友人將仕郎黃億實客於公之舍一日狀公行事之實見祝爲文辭不獲已因爲之銘曰

帝造區夏 志清多壘 兇醜跳梁 速誅千紀  
公適時變 赤心款附 氣吞羣盜 亂庶湔沮  
帝用嘉之 以廣撫封 正彼使號 以旌有功  
留鎮西洛 克服商虢 舟車隴蜀 咸底偉績  
董賊亂常 兇焰熾張 死節被執 斷頭不降  
以忠捐軀 禍及三世 死馬革中 是爲得志

帝用憫之 厚葬是舉 錫以千緡 贈以異數  
安窀穸 永 幽宅 巍巍嵩高 與功無極

汴京楊青刊

碑新出土字蹟工秀得虞褚規模良可愛也阜昌爲劉豫年號豫以宋建炎四年爲金所立

中州金石記

億按孟邦雄事附劉豫傳後云孟邦雄發永安陵卽其人也今邦雄墓亦爲土人掘井出之獨匿此石五十餘年予宛轉屬覓構之乃詳其始末蓋邦雄永安人自劉豫僭號遂降豫授僞職至中侍大夫徐州觀察使知河南軍府事兼四京留河南路安撫使馬步軍總管兼管

內勸農使案四京以史證之豫升東平爲東京改東京爲汴京又僭位大名及河南府西京并爲四京誌文所云四字蓋謂是也誌稱京西北路安撫總管翟興阻兵負險隔絕道路跳梁不軌殘忍尤甚公乃厲志竭忠乘機奮發勸督將士協力赴功竟致渠魁破蕩巢穴攷興本傳爲京西北路安撫制置使兼京西北招討使此文乃易安撫招討名爲總管又傳劉豫將遷汴以興屯伊陽憚之遣蔣頤持書誘興以王爵興斬頤焚其書誌文謂興跳梁不軌殘忍尤甚當指此至傳所云豫計不行乃陰遣人陷裨將楊偉以利偉殺興攜其首奔豫則此

誌以邦雄勸督將士竟致渠魁是於興之殞歿皆由邦雄所致與史頗不相符惟興本傳內小註或云賂偉爲內應以兵徑犯中軍興奮擊墜馬死則邦雄乘機奮發卽當時以兵犯中軍者事亦或然也然則史小註宜爲可據而傳故兩存之也

偃師金石錄

按誌云邦雄西京永安人也葬于永安軍芝田鄉蘇村之原今河南府鞏縣宋景德四年析置永安縣金貞元元年改名芝田縣元時廢入鞏縣所謂芝田縣者蓋卽以鄉爲名則邦雄葬所當在鞏縣地此石不知何以入於偃師誌載翟興阻兵負險事以宋史傳攷之在紹興

二年亦卽阜昌二年此誌蓋脫二年字也其云西賊叛  
逆順商虢三州相繼變亂虜掠百姓攻圍城邑云云宋  
史劉豫傳紹興二年二月知商州董先以商虢二州叛  
附豫十二月襄陽鎮撫使李橫敗豫兵於揚石乘勝趣  
汝州僞守彭玘以城降三年正月庚申李橫破潁順軍  
僞守蘭和降壬戌敗豫兵于長葛甲子橫引兵至潁昌  
府攻下之三月豫聞橫入潁昌求援于金豫亦遣將逆  
戰橫敗績橫軍本羣盜恃勇無律勝則爭取子女金帛  
故及於敗四月陷虢州誌所稱西賊似卽指李橫然銘  
詞有云董先亂常兇焰熾張死節被執斷頭不降是邦

雄死于董手不知董爲何人豈卽董先耶誌云黃億狀  
公之實見祝爲文祝與囑同音猶今人言見囑也據本  
字文義亦卽祈禱之意猶言祈求也

金石  
萃編

孟邦雄誌石前已跋尾在偃師金石遺文記內後覽熊  
克中興小紀云紹興二年夏四月時劉豫欲遷居東京  
而忠護軍翟興屯伊陽山以阻其路豫每遣人往陝西  
則假道于金由懷慶太行取蒲津濟河以達誌所指西  
京北路安撫總管翟興阻兵負險隔絕道路卽其事也  
誌又載正月西賊叛逆順商虢三州相繼變亂虜掠百  
姓攻圍城邑大兵未集遽入西洛按中興小紀知虢州

董震嘗從僞至是復歸正乃將所部與琮并力襲取西京大金國志天會十一年春西京留守孟邦雄爲宋翟琮所敗琮卽翟興子時爲河南鎮撫愼大金發掘陵寢琮及董震以小寨餘衆入潼關邦雄方醉卧俘其族然則西賊謂董震也震知虢州在洛陽之西故也又翟琮引衆擣孟邦雄營邦雄方醉卧遂將其族以歸與誌載被執相符而誌旣云邦雄被害又父被傷致殞男安世同日被禍則俱戮死於西京故邦雄得葬永安軍蘇村之原也而熊氏謂詔琮押邦雄赴行在當日蓋未成行矣陳振孫書錄解題以熊克爲是書往往疎畧多牴牾

其有指于此也歟

授堂金石文字續跋

按金石萃編載墓誌前敘邦雄官職及誌內所敘均兼西京留守不云四京劉豫雖建四京豈能邦雄一人獨兼且曰知河南軍府事河南路安撫使自以西京爲是誌云明年正月西賊叛逆順商虢三州相繼變亂虜掠百姓攻圍城邑大兵未集遽入西洛公不幸被執應爲劉豫之阜昌四年正月宋史張玘傳紹興元年之明年先降豫云云於是僞齊河南安撫孟邦雄總管樊彥直據洛陽玘率精騎三千一夜馳三百里黎明抵河南邦雄就擒彥直遁去是爲紹興二年下云三年春先自

偽齊歸玘還兵柄退就位謂董先也邦雄實爲玘所擒  
銘曰董賊亂常卽指董先蓋先至始戮之三朝北盟會  
編書董先之叛在紹興二年書先自偽齊歸在三年與  
帝其明年改元阜昌在宋爲紹興元年阜昌四年卽宋  
紹興四年誌以偽齊之人書偽齊之事年月似不應訛  
會編書翟興之死已云劉豫猖獗道路阻絕河南消息  
不通者一年餘玘傳或因此而有所差與

宋蔡齊墓幢 分書無年月今在縣南蔡莊西南里許

幢高七尺二寸十六面面廣一寸八分下方三尺八寸  
字多磨滅上隔尺八篆額又上五寸帶頂高一尺餘

鞏縣志卷十七 金石一 四十六 經川圖書館刊

取相

詹君墓

止福

朗高

德 羽 初 北

軍 德 化 色以綏皇

朝 眷我 以君 和

澤化 翊其友 玘 與君文武殊政

斌斌我君勳德 盛 鼎 剖符錫 亻之在也

氏 身没斯哀千載無詠

故吏

吏

故吏張百

故吏

吏

故吏張

故吏

吏

故吏

吏

故吏

故吏

故吏

故吏

故吏

吏

右石幢文被鑿毀額亦殘缺後款識六行五層姓名俱難辨惟故吏二字尚多認識幢西偏有清同治八年碑

鞏縣志卷十七

金石一

四十七

經川圖書館刊

題曰宋臣蔡文忠公之墓右注公諱齊字子思宋祥符八年狀元官拜宰相左注後裔全立石

宋宗室嘉國公墓誌蓋

篆書無年月

石高二尺六寸廣二尺

宋宗室故贈開府儀同三司追封嘉國公墓誌之銘

宋因唐制封國無實土畧如漢名號侯皇屬近親率取美名榮與嘉尤多嘉國公見宗室世系表者十五秦王後叔于叔皮克施當從葬汝州徽宗子椅從北狩得葬永安者太祖後世括世厯令出令峻子劇太宗後仲葩仲遷仲 仲 仲玉仲獬十一人令峻書贈嘉國公與

此稱追封爲近然史稱中興初韓世清挾令峻爲變裂黃旗被其身固拒獲免則令峻當從南渡未必能葬此也惟子劇書封嘉國公表有追封例如追封秀王子稱無但書封者夫豈有不封之國哉疑本有追字傳寫誤奪子劇燕王德昭五世孫此蓋子劇誌也惜誌佚未能遽定開府儀同三司從一品見職官志

宋宗室西頭供奉官墓誌蓋

篆書無年月今在縣西四座廟中

石高二尺三寸三分  
廣同厚五寸五分

宋宗室

西頭供

鞏縣志卷十七

金石一

四十八

經川圖書館刊

奉官銘

西頭供奉官見宋史職官志從八品武臣與諸衛率同班在左侍禁上文臣換右者大理評事節度掌書記始換是職號小使臣曹彬子瑋嘗以此官同知渭州又有內西西頭供奉官宦者爲之非此也近得宋宗室誌多無蓋或磨滅別用此幸存誌佚

宋宗室濟州防禦使墓銘蓋

篆書無年月今在縣西四十里清易鎮明山寨公所誌石佚

石高二尺一寸廣同  
厚四寸四行行三字

大宋宗

室贈濟

州防禦

使墓銘

宋宗室令彊夫人裴氏墓誌蓋 篆書無年月今在縣西南六十里柏峪瓦窰溝腦

石高二尺五寸  
廣同厚五寸

宋宗室令

彊夫人永

昌縣君裴

氏墓誌銘

宋宗室 國公墓誌蓋 篆書無年月今在縣西南清易鎮明山寨上公所

石高二尺三寸廣同厚中四寸  
邊二寸四行行三字誌佚

鞏縣志卷十七

金石一

四十九

經川圖書館刊

宋宗室

防禦使

國公

墓誌銘

宋宗室贈 國公墓誌蓋 篆書無年月今在縣西六十里柏谷寺銘石佚

石高二尺一寸廣二尺  
厚五寸四行行三字

宋宗室

贈

國公

公墓銘

宋無字碑

碑寬四尺四寸  
高約三丈餘

大宋

右碑螭首龜趺在縣南三十二里蔡莊南原高懷德墓  
南十餘步正背面皆無字惟額中篆書三行行三字首  
行望見大宋二字餘難辨碑上斜斷灰彌縫橫鐵束之  
先是碑斷仆民國初土人始立以甌石築樓望之巍然  
俗呼駙馬碑云

鞏縣志卷十七

金石一

五十

經川圖書館刊

宋修顯靈廟碑額

篆書無年月

石高三尺寬三尺  
三寸五分厚九寸

大宋新

修顯靈

廟之記

右碑額正背面俱雕交螭形中下篆書三行行三字在  
縣南三十二里小官莊顯靈廟大殿外東北隅碑佚

南陽郡王太太保院故衙內

無年月

石高三尺二寸二分廣一尺八寸  
五分厚五寸中一行十一字正書

右石圓首下橫斷高五寸三分今在縣西四十里清易

鎮東溝周全成家

故華陰侯東南角埃

無年月

石高一尺一寸廣同厚二寸七分  
二行行四字字徑二寸許正書

右石今在縣西四十里清易鎮南溝張婁家字跡模糊

誌蓋殘石一

無年月

石高一尺一寸廣九寸五分  
分厚三寸篆書四行字

鞏縣志卷十七

金石二

五十一

經川圖書館刊

右石今在縣西四十里清易鎮南溝楊天才家

誌蓋殘石二

石高二尺廣上一尺三寸下  
二寸五分厚四寸五分篆書

右石今在縣西清易鎮南溝張旦門外僅見此左斜少  
半

經幢殘石

石高一尺一寸八面  
面廣四寸六分正書

經文不錄

人癸酉七月壬子朔十七日戊辰

建

維那前 商州洛南縣尉姚 遵式 副

維那 上柱國渤海縣開國男食邑三百戶

人 邑人魯 仁美

邑人邢 邑人翟 再

邑人王 一 邑人李 廷

邑人李 人張 守 邑人趙 延嗣

邑人劉 温邑人 戶

大 邑人 祚 前 川隨 何超

邑人孫 彥 比丘尼咸貞

工 普明 僧 又 僧

鞏縣志卷十七

金石二

五十二

經川圖書館刊

右石今在縣東四十五里福昌寺東北寺佃戶門外鐫  
曰春米僅中間尺餘無題無年代物色類宋建姓名多  
闕玩文亦陀羅尼經字佳

經幢殘石

石高一尺八寸八幅  
每幅闊四寸行書

咒文不錄

右石今在縣西南少東七十里西栗林村關帝廟東偏  
祖師殿前供臺下兩幅字磨滅不見標題及造建姓名  
玩文係陀羅尼真言

經幢殘石

石高一尺六寸二分  
八幅每幅四寸正書

經文不錄

右石今在縣西南少東七十里西栗林村東西路南上  
有造像一龕字被斬毀惟六七幅中字尚可辨耳

陀羅尼幢殘石

石高一尺四寸四面  
面廣四寸字五行正書

咒文不錄

右石今在縣西南六十五里魯莊三官廟大殿前此僅  
上首尺餘下多半佚四面上各有造像一龕兩面上題  
陀羅尼幢四字字徑二寸行書因兵火焚石中斜裂玩

鞏縣志卷十七

金石一

五十三

經川圖書館刊

文陀羅尼咒字脫灑

尊勝經幢殘石

正書無年月今在縣西南三十五  
里小訾殿景雲寺西廂前簷下  
石高一尺一寸八  
幅闊四寸五分

佛頂尊勝陀羅尼經 并序

蜀賓沙門佛陀波利奉 詔譯

經文不錄

佛弟子趙守贊奉爲亡過 兄守斌

經幢殘石 正書年月缺

石高三尺四寸五分  
八幅幅闊四寸五分

經文不錄

大宋西京 斤永安縣北訾村重

祐七 家長幼其方多去

殺 年 月一日戊戌朔至初玖日

丙午 日 女 北訾村重佛弟子趙 水

右石亦在縣西南三十五里小訾殿景雲寺西廂前簷  
不仆先是石立寺院中今仆此石三尺餘上有斷痕無  
標題前石尺餘下有斷痕玩兩石前幅文合後款姓同  
字體亦同惜茲石末幅字多漫滅與前石是否一幢未  
能審辨

尊勝經幢殘石 無年月今在慈雲寺大殿仆

鞏縣志卷十七

金石一

五十四

經川圖書館刊

石高一尺二寸  
四面面廣七寸

佛頂尊

勝陀羅

尼經幢

右幢僅上截尺餘四面上大名造像一龕第一面像龕  
下橫題三行正書佛頂尊勝陀羅尼經幢九字字徑寸  
餘書法勁秀類宋物下截經文佚

佛頂尊勝陀羅尼經幢殘石

石高二尺四寸五分八面面廣四寸五分字七行後  
款三行行二十九字二十六字二十一字俱正書

經文不錄

大宋國河南府永安縣郭下張王偁爲 亡考製造經幢  
子一坐大 亡考之靈伏願亡靈領此功德托化淨方次  
願見在老幼常保安康 功德主張三興妻

李氏長男守真宋次男守清趙氏次男

右石今在縣北四里南河渡關帝廟舞樓前簷西北角  
仆其第五面當中有鑄眼深四寸許長徑尺橫六寸似  
前立碑坐此

